

巫山縣志卷二十五

封蔭志

崇德報功典至隆也上以褒揚先代下以垂裕後昆凡登仕版者榮膺寵命皆由世德之克昌巫邑宦遊之士類多占籍他省雖有龍章鳳誥難以搜輯茲特取其尙存者錄之以彰

國家錫類推恩之典焉志封蔭

明

王鳴鳳任太僕寺少卿父珍贈大理寺評事

巫山縣志

卷二十五

封蔭

一

柳英任河東陝西都轉運使祖父琳贈大中大夫父

茂株贈大中大夫英後陞任廣東布政司

晏永高大昌人任河南布政司理問父芳贈徵仕郎

國朝

傅作楫任良鄉縣知縣父汝和

封文林郎後作楫陞任御史父汝和

贈承德郎母向氏

贈安人妻楊氏

贈安人

司爲善任貴州安順府台拱廳同知祖父溥

馳贈奉政大夫祖母冉氏

馳贈宜人父世傑

贈奉政大夫母向氏

贈宜人

杜秉直任蓬州訓導父世珍

贈修職佐郎

韓琛任忠州訓導父天成

贈修職佐郎

巫山縣志

卷二十五

封蔭

二

余錫淳捐州同父世珍捐請

封奉政大夫

向守道從九品父儼

贈登仕佐郎

趙步雲副將銜儘先參將父祖壽

誥命武功將軍祖母王氏

贈夫人父荷珠

贈武功將軍母余氏

贈夫人妻米氏

封夫人

韓景廷提督銜□江督標副將曾祖父奇

贈振威將軍曾祖□范氏

贈夫人祖父紹訓

贈振威將軍祖母楊氏

贈夫人父蘭生

贈振威將軍母余氏

贈夫人妻彭氏

贈夫人

巫山縣志

卷二十五

封蔭

三

韓涪湖北武昌府通判祖父洪明

贈承德郎祖母向氏

贈安人父鈞

贈承德郎母向氏

贈安人

冉泰修

誥授懷遠將軍

王 庚任海豐縣知縣父昆融

贈奉直大夫母譚氏

贈宜人妻沈氏

贈宜人

向興貴以父國從征教匪病故蔭八品蔭生

李世榮以父慶松從征江甯陣亡蔭雲騎尉

韋鴻業以父承喜沒於王事蔭雲騎尉

誥命

余世增誥命

制曰求治在親民之吏端重循良教忠勵資敬之忱聿
隆褒獎爾余世增迺捐職州同加三級余錫澶之父提

巫山縣志

卷二十五

封蔭

四

躬淳厚垂訓端嚴業可開先式穀乃宣猷之本澤堪啟
後貽謀裕作政之方茲以爾子克襄王事封爾爲奉政
大夫錫之誥命於戲克承清白之風嘉茲報政用慰顯
揚之志畀以殊榮

余袁氏誥命

制曰朝廷重民社之司功推循吏臣子凜冰淵之操教
本慈幃爾袁氏迺捐職州同加三級余錫澶之母淑慎
其儀柔嘉維則宣訓詞於朝夕不忘育子之勤集慶澤
於門閭式被自天之寵茲以爾子克襄王事封爾爲宜

人於戲仰酬顧復之恩勉思撫字載煥絲綸之色用慰
勛勞

余錫淳誥命

制曰錫類推恩朝廷之大典奉公效職臣子之常經爾
捐職州同加三級余錫淳賦質純良持身恪謹既服官
而奏績行報國以抒誠襄事惟勤新綸宜賁茲以爾克
襄王事授爾爲奉政大夫錫之誥命於戲宏敷章服之
榮用勵靖共之誼欽茲寵命懋乃嘉猷

余李氏誥命

巫山縣志

卷二十五

封蔭

五

制曰恪恭奉職良臣旣殫厥心貞順宜家淑女宜從其
貴爾捐職州同加三級余錫淳之妻李氏含章協德令
儀夙著於閨闈黽勉同心內治相成於夙夜茲以爾夫
克襄□事封爾爲宜人於戲龍章載煥用褒敬戒之勤
翟莠欽承益勵柔嘉之則

向儼誥命

制曰設官分職昭器使之無遺錫類施仁喜蒙恩於伊
始爾向儼乃江南督糧道倉庫大使向守道之父秉心
醕樸飭行端方教誨懷式穀之勤政事本詒謀之善茲

以覃恩貤贈爾爲登仕佐郎錫之勅命於戲一命得以逮親遂膺曠典庶政期於稱職永荷榮光

向黃氏誥命

制曰登皇路以馳驅忠原本孝入庭幃而侍奉嚴必兼慈爾江南督糧道倉庫大使向守道之母黃氏性本和柔飭衿鞶於閩內教惟勤慎紆章服於庭前慈以覃恩貤贈爾爲九品孺人於戲所親邀優渥之恩勉圖懋績有子效靖共之誼永播休聲

韓洪明誥命

巫山縣志

卷二十五

封蔭

六

制曰考績報循吏之最用獎臣勳推恩溯積累之遺載揚祖澤爾韓洪明迺湖北武昌府通判韓涪之祖父錫光有慶樹德務滋嗣清白之芳聲澤留再世衍弓裘之令緒祜篤一門茲以覃恩貤贈爾爲承德郎湖北武昌府通判錫之勅命於戲聿修念祖膺茂典而益勵新猷有穀貽孫發幽光而不彰潛德

韓向氏誥命

制曰册府酬庸聿著人臣之懋績德門輯慶式昭大母之芳徽爾向氏迺湖北武昌府通判韓涪之祖母箴誠

揚芬珩璜表德職勤內助宜家久著其賢聲澤裕後昆
錫類式承乎嘉命茲以覃恩賚贈爾爲安人於戲播徽
音於彤管壺範彌光膺異數於紫泥天庥尤劭

韓紹訓誥命

制曰策勳疆圉昭大父之恩勤錫賚絲綸表皇朝之霈
澤爾韓紹訓廼提督銜兩江提標副將嚴勇巴圖魯韓
景廷之祖父敬以持躬忠能啟後威宣闔外家傳韜畧
之書澤沛天邊國有旂常之典茲以爾孫式逢覃恩贈
爾爲振威將軍錫之誥命於戲我武維揚特起孫枝之

巫山縣志

卷二十

封蔭

七

秀賞延於世聿昭祖德之乘

韓揚氏誥命

制曰樹豐功於行陣業著文孫錫介福於庭幃恩推大
母爾揚氏廼提督銜兩江提標副將嚴勇巴圖魯韓景
廷之祖母壺儀足式令聞攸昭表佩劍之家聲輝流奕
世播絲綸之國典慶衍再傳茲以爾孫式逢覃恩贈爾
爲一品夫人於戲翟茀承恩光宏休於天閣龍章載煥
昭異澤於皇朝

韓蘭生誥命

制曰寵綏國爵式嘉閎閱之勞蔚起門風用表庭幃之
訓爾韓蘭生迺提督銜兩江督標副將嚴勇巴圖魯韓
景廷之父義方啟後穀似光前積善在躬樹良型於弓
冶克家有子拓令樹於韜鈴茲以爾子式逢覃恩贈爾
爲振威將軍錫之誥命於戲錫策府之徽章洵承恩澤
荷天家之休命允貴泉墟

韓彭氏誥命

制曰策府疏勳甄武臣之懋績寢門治業闡賢助之徽
音提督銜兩江督標副將嚴勇巴圖魯韓景廷之妻彭

巫山縣志

卷二十五

封蔭

八

氏毓質名閨作嬪右族擷蘋采藻夙彰宜室之風說禮
敦詩具見同心之雅茲以爾夫式逢覃恩封爾爲一品
夫人於戲錫寵章於閨闈惠聞長流荷褒獎於絲綸芳
聲彌劭